

乾隆四十七年重修

續志附後

襄垣縣志

板存華寶行

目錄

卷一

輿圖

市川全圖
廟圖

城池圖
城隍廟圖

縣署圖
文廟圖
劉文安公祠圖

西鄉圖
八景圖

星野

星圖

疆域

山川

沿革

表圖

卷二

建置

城池

縣署

公署

壇墀

職官

官秩

縣令

縣丞

主簿

教諭

長江系示

卷二 目錄

卷三

學校

文廟學規

明倫堂

書院學署

社義學

賜書

禮樂

祭祀救護

朝賀上官

宣讀賓典

巡春鄉飲

耕藉

風俗

節序鄉儀

土產

穀米

菜貨

果羽

藥毛

花蟲

草

卷四

古蹟

城壘陵墓

寺觀義塚

井泉橋梁

碑碣

賦稅

戶口商稅

田賦積貯

鹽課

恩錫

賜封勳爵

恩蔭壽官

養老義官

卷五

選舉

義舉

例職

進士

舉人

賓介

附錄

卷六

人物

鄉賢

忠臣

孝子

義士

列女

烈女

烈婦

賢婦

卷七

藝文上

詩

論

藝文中

記

卷八

藝文下

賦

歌

贊

雜記

重修襄垣縣志卷之七上

知縣李石芳編輯

藝文志

諸銘

詩諭

傳

記

賦

歌

贊

自班固志藝文後之修史者率倣其體然皆志一代之藏書若干部若干卷王言不與焉學士大夫著作更不與焉邑乘則與國史不同者政事人物原以備輶軒之採其政傳其人傳其文章詩賦亦與之俱傳况

列聖相承

宸章寶翰啓我

皇上頻頒



上諭照曜星漢無非維持風俗警戒人心苟不脩載偏隅之士曷由觀

上諭乎今彙次如左其舊志所載徒侈風雲月露無裨世教者間爲節損匪敢詆訶言辭摘摭利弊亦求其所妄而已志藝文

詔

康熙九年十一月二十六日欽奉

上諭諭禮部朕惟至治之世不專以法令爲務而以教化爲先其時人心醇良風俗朴厚刑措不用比屋可封長治久安茂登上理蓋法令禁於一時而教化維於

可久若徒恃法令而教化不先舍本而務末也近見
風俗日敝人心不古豈陵成習僭濫多端狙詐之術
日工獄訟之興靡已或豪富凌轢孤寒或劣紳武斷
鄉曲或惡衿出入衙署或蠹棍詐害善良萑苻之劫
掠常聞讐忿之殺傷疊見罔罹法網刑辟必加誅之
則無知堪憫宥之則憲典難寬念茲刑辟之日繁良
由化導之未善朕今欲法古帝王尚德緩刑化民成
俗舉凡教孝弟以重人倫篤宗族以昭雍睦和鄉黨
以息爭訟重農商以足衣食尚節儉以惜財用隆學
校以端士習黜異端以崇正學謹法律以儆愚頑明

禮讓以厚風俗務本業以定民志訓子弟以禁非爲
息誣告以全良善誠窩盜以免株連完錢糧以省催
科聯保甲以弭盜賊解讐忿以重身命等項作何訓
迪勸導及作何責成內外交文武該管各官督率舉行
兩部詳察典制定議具奏該臣等謹得

皇上欲圖至治以教化爲先特頒

上諭應通行曉諭八旗包衣佐領並直隸各省督撫轉行
府州縣鄉村人等切實遵行務使軍民咸知

皇上尚德緩刑之至意教化行而風俗自美矣

至聖先師孔子序并贊

蓋自三才建而天地不居其功一中傳而聖人代宣
其蘊有行道之聖得位以綏猷有明道之聖立言以
聖憲此正學所以常明人心所以不泯也粵稽往緒
仰邇前徽堯舜禹湯文武達而在上兼君師之寄行
道之聖人也孔子不得位窮而在下秉刪述之權明
道之聖人也行道者勲業炳於一朝明道者教恩周
於百世堯舜文武之後不有孔子則學術紛淆仁義
湮塞斯道之失傳也久矣後之人而欲探二帝三王
之心法以爲治國平天下之準其奚所取要焉然則

孔子之爲萬古一人也審矣朕巡省東國謁祀闕里
景企滋深敬摛筆而爲之

贊曰清濁有氣剛柔有質聖人教之人極以立行著
習察含道莫由惟皇建極惟后綏猷作君作師垂統
萬古曰惟堯舜禹湯文武五百餘歲至聖挺生聲金
振玉集厥大成序書刪詩定禮正樂旣窮象繫亦嚴
筆削上紹往緒下示來型道不終晦秩然大經百家
庶殊途異趨日月無踰龔牆可睹孔子之道惟中

此理千聖所同孔子之德仁義中正秉彜
性庶幾夙夜惕哉令圖邇源洙泗景躋

出處裁歷疋除式觀孔器指毫信贊心焉遐金百世
而上以聖爲歸百世而下以聖爲師非師孔子爲師
於道統天御世惟道爲寶泰山巖巖東海泱泱牆高
數仞夫子之堂孰窺其藩孰窺其徑道不遠人克念
作聖

顏子贊

聖道早聞天資獨粹約禮博文不遷不貳一善服膺
萬德來萃能化而齊其樂一致禮樂四代治法兼脩
用行舍藏王佐之器

曾子贊

洙泗之傳曾以得之一日唯聖賢在茲明德新民
止善爲期格致誠正均平以推至德要道百行所基
纂承統緒修明訓辭

子思子贊

於穆天命道之大原靜養動察庸德庸言以育萬物
以贊乾坤九經三重大法足存爲恭慎獨成德之門
卷之藏密擴之無垠

孟子贊

哲人既萎揚墨昌熾子與聞之曰仁曰義性善獨聞
知言養氣道爵毫肆學屏功利煌煌七篇鉅典六經

孔學攸傳禹功作配

康熙二十八年閏三月十六日戶部尙書文華殿大學

士臣張玉書奉

勅敬書

康熙四十一年正月內

御製訓飭士子文

國家建立學校原以興行教化作育人才興至渥也

朕臨馭以來隆重師儒加意庠序近復愼簡學使釐

剔弊端務期風教修明賢才蔚起庶幾樸樸作人之

意乃比來士習未端儒效罕著雖因內外臣工奉行

未能盡善亦由爾諸生積錮已久粹難改易之故也
茲特親製訓言再加警飭爾諸生其敬聽之從來學
者先立品行次及文學學術事功源委有叙爾諸生
幼聞庭訓長列宮牆朝夕誦讀寧無講寃必也躬修
實踐砥礪廉隅敦孝順以事親秉忠貞以立志窮經
考義勿雜荒經之談取友親師悉化憍盈之氣文章
歸於醇雅毋事浮華執度式於規繩最防蕩軼子衿
佻達自昔所譏苟行止有虧雖讀書何益若夫宅心
弗淑行已多愆或蜚語流言脅制官長或隱糧包訟
出入公門或唆撥姦情欺孤凌弱或招呼朋類結社

要盟乃如之人名教不容鄉黨不齒繼倖脫襁打滌
竊章縫返之於裏能無媿乎况乎鄉會科名乃掄才
大典關係尤鉅士子果有真才實學何患困不逢時
顧乃標榜虛名暗通聲氣夤緣詭遇罔顧身家又或
改竄鄉藉希圖進取囂凌騰沸網利營私種種弊端
深可痛恨且夫士子出身之始尤貴以正若茲厥初
拜獻便已作姦犯科則異時敗檢踰閑何所不至又
安望其秉公持正爲國家宣猷樹績膺後先疏附之
選哉朕用加惠爾等故不禁反復惓惓茲訓言頒到
爾等務共體朕心恪遵明訓一切痛加改省爭自濯

磨稽行勤學以圖上進國家三年登造束帛弓旌不
特爾身有榮卽爾祖父亦增光寵矣逢時得志寧俟
他求哉若乃視爲具文玩愒勿儆毀方躍冶暴棄自
甘則是爾等冥頑無知終不能率教也旣負栽培復
干咎戾王章具在朕不能爲爾等寬矣自茲以往內
而國家外而直省鄉校凡學臣師長皆有司鐸之責
者並宜傳集諸生多方董勸以副朕懷否則職業弗
修咎亦難追勿謂朕言之不預也爾多士尙敬聽之
哉

雍正元年七月十一日

上諭戶部朕惟治民之道在愛養民力蓋民力寬舒則元氣自復此裕阜之要務也山東山西河南三省連年田稼歉收朕軫念窮黎已發帑賑濟復將現年錢糧盡行緩徵而歷年民欠帶徵之項若仍行追比緩新而徵舊與兆姓終無裨益目今時雨霑足秋禾滋茂登穫在望俾耕鑿小民終歲無催斂之煩家室有蓋藏之慶則力既有餘輸將亦易來年自必急公完賦爾部將山東省康熙五十八年至六十一年分年帶徵未完錢糧山西省康熙五十六年至五十九年分年帶徵未完錢糧河南省康熙五十九年至六十一